



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

INKHWEKHWETI/INHLABA 2024

TICONDZISO TEKUMAKA

EMAMAKI: 70

Leticondziso tekumaka tinemakhasi la-8.

SIGABA A: SIVISISO**Ticondziso tekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa. Akuvele kutsi liphutsa liboniwe.
- Nangabe umhlolwa asebentisa emagama aletinye tilwimi letingasiso Siswati akanganakwa lawo magama, kodvwa nangabe imphendvulo ivakala ihambisana nembuto akangajeziswa. Nangabe kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LICINISO/UMBONO emamaki akangehlukaniwa emkhatsini, lokusho kutsi alikho limaki lelinikwa LICINISO/LIPHUTSA nobe LICINISO/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Nangabe umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvwetjelwe nobe ligcanyisiwe.
- Nangabe umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

UMBUTO 1**1.1 TIMPHENDVULO TETHEKSTHI A**

- 1.1.1 A/Kutsandzana kakhulu. (1)
- 1.1.2 Sikhungo lesingumtfolamphilo/**Esibhedlela**. (1)
- 1.1.3 Lucwaningo lwengati lubaluleke ngekutsi kusheshe kubonakale kutsi sigulane siphethwe yini bese, silashwa ngendlela lefanele. (Naleminye imibono lenembako yemukelekile.) (1)
- 1.1.4 Belitawumsita ngekutsi atfole lusito etibhedlela tangasese letibitako/ **Angakhokhi imali/ Atfole kunakekelwa lokukahle**. (**Naleminye imibono lenembako yemukelekile**.) (1)
- 1.1.5 Temave wacedzela tifundvo takhe ngasese ngobe entela kutsi atewukhona kunakekela Bukhosi losabanjwe kugula/ Bekatawukhona kuchuba libhizinisi labatiphilisa ngalo abe afundza/Bekangenayo imali leyanele yekukhokhela tindleko tesikolo. (**Naleminye imibono lenembako yemukelekile**.) (Kubili kwaloku.) (2)
- 1.1.6 Kungabi nebahlengikati labenele etibhedlela/Letinye tigulane tiyahlupha tifuna kunakwe tona/Labanye bahlengikati abanalutsandvo lwalomsebenti/**Kweswelakala kwemitsi etikhungweni tahlumende**. (Naleminye imibono lenembako yemukelekile.) (Kunye kwaloku.) (2)
- 1.1.7 Lenkhulumo ichaza kutsi abebonga kakhulu ehluleka nekubindza ngalesento lamentele sona. (Naleminye imibono lenembako yemukelekile.) (2)
- 1.1.8 Imibono itaweuhluka. Labatawutsi batsatsa sincumo lesihle batawesekela ngekutsi: Kwabasita ngetindleko tekubhadala sibhedlela nendzawo yekuhlala/Bakhona kucala libhizinisi lelisha/Sincumo lesihle ngobe bekute umuntfu latawusala nalelibhizinisi. Labatawutsi bekusincumo lesibi batawesekela ngemibono yabo. (Naleminye imibono lenembako yemukelekile.) (Kunye kwaloku) (2)
- 1.1.9 Kuveta kutsi lesibhedlela asinato tinsita letanele nabodokotela lababochwepheshe labaceceshelwe kwelapha tifo letitsite. (Naleminye imibono lenembako yemukelekile.) (2)
- 1.1.10 Bantfu bangelulekwa ngekutsi bente luhlolo lwemphilo yabo kanye ngemnyaka emitfolamphilo, bangatfoli sifo sesidlondlobele singaselapheki. (Naleminye imibono lenembako yemukelekile.) (2)

- 1.1.11 Labavumako batawesekela ngekutsi:
Bukhosi unesibindzi ngobe wemukela kahle imibiko yabodokotela wenta njengobe ayaliwe, ngaphandle kwekutivela buhlungu/Wacala inhlango lengenti inzuzo yekusita labanalesifo lanaso/**Watsi angumbati wakhona kusoma intfombi lefundzela ticu letisetulu, wakhona kuhlala nayo imphilo yakhe yonkhe seyingumfati wakhe.**
Labaphikisako batawesekela ngemibono yabo.
(Naleminye imibono lenembako yemukelekile.) (Kunye kwaloku.) (2)
- 1.1.12 Tifundvo tingafaka ekhatsi leti:
Kungavumeli timo tikuvimbele kutsi ufundze sikolo ube neticu takho/ kungalilahli litsemba emphilweni/Kubalulekile kusebentisa ingcondvo yakho uvete emakhono lewutawukhona kutiphilisa ngawo/**Kufundza kuba nesibindzi nekulandzela inhliyo kuloko lokutsandzako.**
(Naleminye imibono lenembako yemukelekile.) (Kubili kwaloku.) (2)
- 1.2 **TIMPHENDVULO TETHEKSTHI B**
- 1.2.1 Emapuleti/Emagedlela/ **Tindishi/ Titja/Titfombe.** (Kunye kwaloku.) (1)
- 1.2.2 Bungoti bekwebelwa/Simo selitulu lesifaka ekhatsi imvula nelilanga kulimata lomkhicito/Kungcola kwalomkhicito lokubangwa lutfuli nalokunye./ **Kucubuka kwemlilo ngaphandle, ushise lomkhicito.** (Naleminye imibono lenembako yemukelekile.) (Kunye kwaloku.) (1)
- 1.2.3 Ivula ematfuba emsebenti/Bantfu batfola ematfuba ekukhangisa imikhicito yabo/Ingaheha tivakashi letichamuka kulamanye emave/**Kunciphisa kungcola emmangweni ngobe leminy yalemikhicito yakhiwe ngemaplastiki lalahliwe.**
(Naleminye imibono lenembako yemukelekile.) (Kubili kwaloku.) (2)
- 1.2.4 Sigulane lesikufreyimi ye-3 sibonakala sisendzaweni lehlobile/Sibukeka sijabulile. (Kunye kwaloku.) (2)
- 1.2.5 Lesigulane lesikutheksthi A besigula kakhulu kantsi lesigulane lesisefreyimini ye-3 sibukeka singaguli kakhulu futsi singakhona kutentela tintfo.
Lelesinye sigulane lesikutheksthi A siyasitwa kantsi lesikutheksthi B asisitwa. (Naleminye imibono lenembako yemukelekile.) (2)
- 1.2.6 Endzimeni yesikhombisa kutheksthi A kukhulunywa ngekwentiwa kwetikhwama bese theksthi B ifreyimi ye-2 kubonakala tikhwama letitsengiswako/**Kuwo omabili amatheksthi lemikhicito itsengiswa etimakethe/Kuwo omabili amatheksthi lemikhicito yimisebenti yetandla.**(Kunye kwaloku.) (2)

SAMBA SESIGABA A: 30

SIGABA B: SIFINYETO**UMBUTO 2**

Kumakwa kwesifinyeto kulawulwa ngemaphuzu lacondzene ngco netheksthi.

Sifinyeto kufanele simakwe ngalendlela lelandzelako:

- **Kwabiwa kwemamaki:**
 - Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
 - Emamaki lamatsatfu (3) abelwe lulwimi.
 - Samba semamaki: 10.
- **Kwabiwa kwemamaki labelwe lulwimi nangabe umhlolwa asebentise emagama akhe:**
 - 1–3 emaphuzu langiwo: nika 1 limaki.
 - 4–5 emaphuzu langiwo: nika 2 emamaki.
 - 6–7 emaphuzu langiwo: nika 3 emamaki.
- **Kwabiwa kwemamaki elulwimi nangabe umhlolwa acaphune njengobe kunjalo etheksthini:**
 - 6–7 ticashunwa umhlolwa **akanganikwa** emamaki elulwimi.
 - 4–5 ticashunwa umhlolwa akanikwe 1 limaki lelulwimi.
 - 2–3 ticashunwa umhlolwa akanikwe 2 emamaki elulwimi.
 - 0–1 ticashunwa umhlolwa akanikwe 3 emamaki elulwimi.

CAPHELA:

- **Sibalo semagama:**
 - Labamakako kumele bacinisekise linani lemagama lelisetjentiswe esifinyetweni.
 - Kungabokhishwa emamaki nangabe umhlolwa angakalikhombisi linani lemagama lasetjentsiwe nobe abhale linani lelingasilo lemagama lasetjentsiwe.
 - Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwelinani lelimisiwe, uyekele incenye lesele yesifinyeto.

UMONGO WESIFINYETO

EMAPHUZU LABALULEKILE LEKUMELE AVELE ESIFINYETWENI LESITINDZIMA: (Umhlolwa akavete emaphuzu lasikhombisa etintfo lekumele bantfu bangatenti kute kuvikelwe imvelo.)

Bantfu abavikele imvelo ngekungasebentisi liplastiki kodvwa basebentise sikhwama lesentiwe ngeliphepha. Uma kujatjuliwe ngesikhatsi sekujuba umnyaka akuvikelwe tilwane ngekungadubuli emakhilikhethi. Tibi atingaphoswa emfuleni naselwandle ngobe konkhe lokuphilako kudzinga emanti lahlobile. I-oyili iyingoti lenkhulu, ayingacitfwa elwandle ngobe tilwane tiyafa.

Bantfu abayekele kujuba tihlahla ngoba nabo bayawudzinga umoya lohlobile. Imvelo ingavikeleka uma bantfu bangahambi ngetimoto tabo kepha basebentise tiftutsi temmango uma baya etindzaweni letifanako. Akuvikelwe imvelo ngekutsi bantfu bangalahli emabhodlela, emaplastiki, tikotela netinsimbi.

[70 emagama.]

	Sicashunwa		Emagama emhlolwa
1	'Uma bantfu bayewutsenga esitolo abangasebentisi tikhwama letentiwe ngemaplastiki kepha abasebentise letentiwe ngemaphepha.'	1	Bantfu abavikele imvelo ngekungasebentisi liplastiki kodvwa basebentise sikhwama lesentiwe ngeliphepha.
2	'Bantfu abangashisi emakhilikhethi uma kujutjwa umnyaka.'	2	Uma kujatjuliwe ngesikhatsi sekujuba umnyaka akuvikelwe tilwane ngekungadubuli emakhilikhethi.
3	'Kubalulekile kutsi kungalahlwa tibi emifuleni naselwandle ngobe yonkhe imvelo idzinga emanti lahlobile.'	3	Tibi atingaphoswa emfuleni naselwandle ngobe konkhe lokuphilako kudzinga emanti lahlobile.
4	'Lokunye lokubalulekile kungacitsi i-oyili elwandle ngobe kubulala tilwane.'	4	I-oyili iyingoti lenkhulu, ayingacitfwa elwandle ngobe tilwane tiyafa.
5	'Akungajutjwa tihlahla kute titewukhona kukhica umoya lohlanekile lodzingwa bantfu netilwane.'	5	Bantfu abayekele kujuba tihlahla ngoba nabo bayawudzinga umoya lohlobile.
6	'Uma bantfu baya endzaweni yinye abangasebentisi timoto letehlukene kepha bangasebentisa yinye nabaya ndzawonye nobe tiftutsi temmango.'	6	Imvelo ingavikeleka uma bantfu bangahambi ngetimoto tabo kepha basebentise tiftutsi temmango uma baya etindzaweni letifanako.
7	'Tintfo letingasebentiseka kabusha njengemabhodlela tikotela emaplastiki netinsimbi atingahlwa.'	7	Akuvikelwe imvelo ngekutsi bantfu bangalahli emabhodlela, emaplastiki, tikotela netinsimbi.

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**Ticondziso tekumaka SIGABA C.**

- *Sipelingi/Lupelomagama:*
 - Timphendvulo letifuna ligama linye kufanele temukelwe nanobe sipelingi/lupelomagama kunemaphutsa, ngaphandle kwekutsi liphutsa lesipelingi lintjintja inshokutsi yalelo gama.
 - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi lesihlolwako.
 - Nangabe kuhlolwa sifinyeto seligama, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengobe kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

UMBUTO 3

- 3.1 Kukhokhwa emagama kulesicubulo: 'Cosha likati etiko .../ '...uhamba netinsita takhona mahhala.' (Kunye kwaloku.) (1)
- 3.2 Indlela yekusebentisa ifeyisibhuku/lthwitha/ **Likheli laseposini/ Inombolo yefeksi/Likheli lendzawo labatfolakala kuyo/WhatsApp/ Tik Tok.** (Naleminye imibono leyenembako yemukelekile.) (Kunye kwaloku.) (1)
- 3.3 D/Inkhulumo letsatsa luhlangotsi. (1)
- 3.4 Iyahhunga ngobe kutsiwa locedze kuceceshwa uphuma netinsita takhona mahhala. (1)
- 3.5 **Kwehlukahlukana kwemiculo labayidlalako** (Naleminye imibono lenembako yemukelekile.) (2)
- 3.6 Sizatfu kungaba kutsi kubita kakhulu kufundza kulesikolo, bantfu angeke bakhone kukhokhela letindleko/Kungenteka kutsi bafuna utifikele matfupha batewukhona kukuchazela kabanti/**Bashito kutsi bangashayelwa uma ufuna kwati ngetindleko.** (Kunye kwaloku.) (2)
- 3.7 Kwakhiwa umusho loveta mcondvophika weligama '**emagagu**' emshweni lotakhele wona.
Sib:
Bafundzi bakulesikolo bangemabhimbi/**emadliwa/emachuma.** (2)

[10]

UMBUTO 4

- 4.1 A/Libitongco. (1)
- 4.2 Usho lolonetinwele letimnyama khwishi? (1)
- 4.3 Tandla talobabe tisesifubeni/Lomake ugoce tandla utibambile/Uhlahle emehlo/**Uvule umlomo/ukhamisile.** (Kubili kwaloku.) (2)
- 4.4 Babhala umusho lokhomba emandla ekuphatsa: 'Kulesami sikolo angeke sifuye tigebugu ngobe lenkhulumo ingakhulunywa ngumuntfu lophetse. (**Naleminye imibono lenembako yemukelekile.**) (2)
- 4.5 Lekhathuni ayivuni bulili ngobe kuvetwe lomdvuna nalomsikati. (2)
- 4.6 Lenkhulumo letsi, 'Vele bantfwana labadla kusale ngibo labantjontja tibhamu bete nato etikolweni.' Itsatfwa njengemaciniso ibe itsintsa imiva yabo **ngobe akusibo bonkhe bantfwana labadla kusale labenta njalo bakhona labatiphatsa kahle kuleyo mindeni.** (**Naleminye imibono lenembako yemukelekile.**) (2)
- [10]**

UMBUTO 5

- 5.1 Kujabula **bosotimali** labakhona kutitsengela kulamaloli latsengisa emanti. (1)
- 5.2 Umcondvo webukhulu/ **wekukhulisa.** (1)
- 5.3 Kwakhiwa umusho ngaleligama 'libhala' lonenshokutsi leyehlukile kunalena lekutheksthi.
Sib:
Libhala lakaZitha lihlala ligcwele emantfombatana lamancane anatsa tjwala. (2)
- 5.4 Kuleliviki lelitako Mfanufikile utawuphatsa inkapani lenkhulu lesebenta ngekudvonsa emanti. (2)
- 5.5 Kwakhiwa umusho ngeligama lelisibaluli 'lemnandzi.'
Sib:
Sidle inyama **lemnandzi** emtsimbeni waLomini. (2)
- 5.6 Kusetjentiswa sisho 'kuvele lemhlatsi' emshweni labatakhele wona kuveta inchazelo yaso:

Sib.
Uhleke kwavela lemhlatsi ngalesikhatsi atfola imiphumela yakhe yamatekuletjeni. (2)
- [10]**

SAMBA SESIGABA C: 30
SAMBA SAKO KONKHE: 70